

Regulativ da taxas
2025

Sin fundament d'art. 78 dalla constituziun communal e dalla lescha davart il provediment d'aua dalla vischnaunca da Mustér, sco era dils statuts dalla Corporaziun d'aua Spina da vin relai la radunonza generala il suadont regulativ da taxas:

Art. 1

Principi

¹La Corporaziun d'aua Spina da vin (Corporaziun) fixescha ed incassescha contribuziuns e taxas tenor ils principis stipulai en art. 22 ss dalla lescha davart il provediment d'aua.

Art. 2

Classificaziun stabiliments pil provediment d'aua

¹Ils stabiliments pil provediment d'aua vegnan, conform ad art. 5 dalla lescha davart il provediment d'aua, classificai tenor lur proprietad en stabiliments publics e privats.

²Stabiliments publics ein ils stabiliments pil provediment d'aua, construi e manteni entras la Corporaziun sco tschaffadas dallas fontaunas, stivas d'aua, reservuars, staziuns per reducir la pressiu, pumpadis, sclusadurs, conducts, hidrants, indrezs d'aua da stizzar fiug e begls publics.

³Stabiliments privats ein ils stabiliments pil provediment d'aua construi e manteni entras ils privats; sco lingias privatas da colligaziun, sclusadurs, lingias d'aua en casa, ventils per reducir la pressiu e begls privats.

⁴La Corporaziun meina in plan da cataster davart ils stabiliments publics e privats pil provediment d'aua che sesanflan en siu territori.

Art. 3

Classas d'objects

¹Ils objects colligai alla reit da provediment d'aua vegnan, conform ad art. 26 dalla lescha davart il provediment d'aua, gruppai en quater classas d'objects, numnadamein:

Classe I

Edificis cun in grond consum d'aua; sco spitals, casas da malsauns, casas da vegls, casas da tgira, interpresas da loschament (hotels, pensiuns, ustias, e.a.v.), stizuns cun restaurant, sennarias, mazlarias, bogns aviarts e cuvretgs.

Classe II

Edificis cun in consum d'aua mesaun; sco casas d'ina famiglia, casas da pliras famiglias, edificis da commerci (pasternarias, fatschentas da coiffeur, scrinarias, luvratoris, e.a.v.), edificis publics da sport.

Classe III

Edificis cun in pign consum d'aua; sco administraziuns, biros, stizuns senza ustia, casas da scola, baghetgs ecclesiastics, il complex claustral (part ecclesiastica), remisas da material, baghetgs agricols e d'economia, baghetgs annexs (garaschas, bargias, e.a.v.), garaschas sutterranas, edificis industrials, edificis privats da sport e recreaziun, magasins da victualias.

Classa IV

Baselgias e capluttas, museums, bibliotecas.

La classa digl object vegn fixada en connex cun la lubientscha da colligiazion ni cun la lubientscha da baghegiar.

Art. 4

*Colligiazions
ordeifer la
zona da
baghegiar*

Colligiazions ordeifer la zona da baghegiar san vegnir lubidas sin damonda speciala. La suprastanza dalla Corporaziun decida, schebein ei setracta d'ina reit publica ni privata. La proprietad dalla colligiazion vegn fixada ella disposiziun dalla lubientscha da colligiazion ni en fuorma d'ina convegnientscha individuala.

Art. 5

*Cass
extraordinaris*

¹En cass specials sco biotops, pescheras e begls ei la suprastanza dalla Corporaziun autorisada da far ina convegnientscha individuala cun ils pertuccai e da fixar la taxa da colligiazion en fuorma d'ina pauschala. Sch'igl ei buca pusseivel da secunvegnir, fixescha la suprastanza la taxa da colligiazion sin fundament dallas classes I - IV.

²En cass extraordinaris sa la suprastanza dalla Corporaziun risguardar in'autra classa d'objects, aschinavon che quei ei giustificau sin fundament dil diever d'aua.

³Tier ina midada d'intent cumbinau cun in pli grond diever d'aua sa la suprastanza dalla Corporaziun relaschar ina nova disposiziun. En tals cass ei il pertuccau obligaus da prestar in pagament supplementar.

Art. 6

*Taxas da
colligiazion*

¹La taxa da colligiazion agl aquaduct munta:

Classa I	2.70 %
Classa II	1.65 %
Classa III	1.00 %
Classa IV	0.30 %

Tuttas taxas excl. taglia sin plivaleta (TPV).

Art. 7

*Renovaziun e
midada
d'objects*

Per mintga midada ni renovaziun da baghetgs existents eis ei da pagar ina taxa da colligiazion supplementara, aschinavon

- che la valeta nova digl object s'augmenta;
- ch'il volumen digl object vegn augmentaus;
- ch'il diever digl object vegn midaus.

Art. 8

<i>Taxas da diever durant il temps da construcziun</i>	L'aua da construcziun per edificis novs ei da retrer dalla colligaziun d'aua dil bein immobilial da construcziun. La taxa vegn calculada sin fundament dalla valeta digl object (tenor schazetg uffical) sco suonda:			
	objects entochen frs.	800'000	frs.	300.—
	objects entochen frs.	1'500'000	frs.	400.—
	objects entochen frs.	5'000'000	frs.	600.—
	objects entochen frs.	10'000'000	frs.	800.—
	objects sur frs.	10'000'000	frs.	1'000.—

Tuttas taxas excl. taglia sin plivaleta (TPV).

Art. 9

Diever da hidrants ¹ Ils hidrants surveschan sco indrezs da stizzar fiug ed astgan da principi buca vegnir duvrai per auters intents. Sin damonda speciala sa la suprastanza dalla Corporaziun far excepziuns. Per mintga lubientscha vegn incassau in taxa administrativa da frs. 80.— sco era ina taxa da diever. Quella sedrezza tenor il temps entochen ch'il hidrant vegn returnaus alla corporaziun e vegn quintada sco suonda:

taxa dil di, entochen 6 dis	frs.	10.— /di
taxa jamnila, entochen 3 jamnas	frs.	70.— /jamna
taxa meinsila	frs.	250.— /meins

Ei vegn adina quintau entiras unitads.

²Retratgas nunlubidas vegnan medemamein tschentadas a quen tenor las taxas suranumadas e castigadas supplementarmein cun ina taxa minimala da frs. 200.—. En cass repetitivs vala art. 37 dalla lescha davart il providiment d'aua.

³Per retratgas provisorias sur pli liung temps, sco p.ex. plazzals da lavur, occurrenz da sport ni cultura .e.a.v, sto vegnir installau in dumbrader ed igl equipament necessari per garantir la segirtad digl aquaduct. Per igl equipament vegn quintau in tscheins tenor temps. Il diever d'aua tenor dumbrader vegn quintaus conform ad art. 10 da quest regulativ.

Tuttas taxas excl. taglia sin plivaleta (TPV).

Art. 10

<i>Taxa fundamentala e taxa da consum annuala</i>	Classa I		
	Taxa fundamentala	tenor volumen construui	m3 x frs. 0.30
	Taxa da consum	tenor dumbrader	m3 x frs. 0.35
	Classa II		
	Taxa fundamentala	tenor volumen construui	m3 x frs. 0.25
	Taxa da consum	tenor dumbrader	m3 x frs. 0.35

Classa III

Taxa fundamentala	tenor volumen construiu	m3 x frs. 0.15
Taxa da consum	tenor dumbrader	m3 x frs. 0.35

Classa IV

Taxa fundamentala	tenor volumen construiu	m3 x frs. 0.10
Taxa da consum	tenor dumbrader	m3 x frs. 0.35

Per edificis sco casas, stallas, nuegls, garaschas, studios, curtins, begls, biotops e.a.v. senza dumbrader fixescha la suprastanza dalla Corporaziun ina pauschala annuala da minimalmein frs. 50.— per il consum d'aua.

Tuttas taxas excl. taglia sin plivaleta (TPV).

Art. 11

*Tscheins
annual pils
dumbraders*

Ils dumbraders d'aua vegnan furni dalla Corporaziun e restan en proprietad da quella. Las revisiuns dils dumbraders van a donn e cuost dalla Corporaziun.

Per il diever dil dumbrader incassescha la Corporaziun ina taxa annuala che vegn differenziada suandontamein:

Dumbrader d'aua pign	frs.	30.—
Dumbrader d'aua mesaun	frs.	70.—
Dumbrader d'aua grond	frs.	200.—

Tuttas taxas excl. taglia sin plivaleta (TPV).

I. Determinaziuns executorias

Art. 12

Vigur

Per la taxaziun, igl incasso, la scadenza e tuttas mesiras organisatoricas valan las determinaziuns dalla lescha davart il provediment d'aua ed ils statuts dalla Corporaziun.

Art. 13

Approbaziun

Quest regulativ da taxas ei vegnius approbaus dalla radunonza generala dalla Corporaziun d'aua Spina da Vin ils 1 d'avrel 2025 e passa en vigur retroactiv cun ils 1 da schaner 2025. El remplazza tut ils auters regulativs da taxas.

Il president:

Aluis Flepp



Igl actuar:

Manuel Flepp

